

## **Publicaziuns officialas dils 28 da mars 2025**

### **Vischnaunca Trun**

#### **Damonda da baghegiar**

**Datum da publicaziun: 28-03-2025**

Petent: Silvio Decurtins, Albrechtstr. 117A, DE – 12103 Berlin  
Representanza: Rafael Guldemann GmbH, Via Sorts 2, 7166 Trun  
Object: Montascha d'ina pumpa termica d'aria sin parcella 1621 a Cluis  
Zona: Zona da habitar (H2)

#### **Protestas:**

Ilis plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

*Administraziun communal Trun*

#### **Serrada dalla via Schlans-Capeder**

Muort lavurs da sanaziun vid la via da Schlans - Capeder resta quella via serrada naven dils 31 da mars entochen ils 11 d'avrel 2025. Bien engraziament per la capientscha.

*Suprastanza communal Trun*

#### **Informaziun per apiculturs e menaschis purils da hobi**

La registraziun da datas sa aunc vegnir fatga naven dils 13 da mars entochen ils 1 d'avrel 2025 tenor l'informaziun che vus haveis retschert digl uffeci d'agricultura cantunal.

Annunziau sto vegnir gagglinas, andas, aviuls, cunegls, cavals, asens, nuorsas, cauras ni auters animals da nez, quei gia naven d'in animal. Sch'enzatgi drova agid, sche saveis vus s'annunziar tier il gerau d'agricultura Lucas Arpagaus, tel. 079 609 51 43.

*Suprastanza communal Trun*

## **Mortori**

Tomaschett Erwin Giusep, naschius ils 25 da schaner 1954 e morts ils 23 da mars 2025.

*Controlla da habitonts Trun*

## **Biblioteca Trun**

Dumengia, ils **30 da mars allas 19.00 uras**, envida la Biblioteca Trun ad ina prelecziun da Carlo Janka. Il campiun olympic e campiun mundial presenta siu cudisch e raquenta da siu temps sco anteriur sportist da professiun. La sera vegn moderada da Roger Alig. Nus selegrein sin vossa preschientscha.

*Las bibliotecaras Esther ed Iris cun Carlo e Roger*

## **Corporaziun Alp Nadéls**

**Invit alla radunonza generala 2025 che ha liug gliendisdis, ils 14 d'avrel 2025** ell'aula dalla casa da scola Trun, allas 20.00.

Tractandas:

1. Beinvegni ed appel
2. Elecziun d'in dumbravusch
3. Prelecziun dil protocol dalla davosa rg
4. Rendaquen per igl onn 2024
  - presentaziun dil quen entras il cassier, quen annual
  - rapport dils revisurs ed approbaziun dil quen
5. Rapport annual dil president
6. Elecziuns – cassier / revisur
7. Stabiliments
8. Project via Nadéls
  - informaziun, etappa via «Roscht – Nadéls Dadens»
  - presentaziun e decisiun dil project
  - presentaziun e decisiun davart la finanziaziun
9. Program da lavur a Nadéls – preventiv 2025
10. Fixar il tscheins dils dretgs per igl onn 2025
11. Varia

Remarca: Dretg da votar han possessurs da dretgs ni tals che han ina plenipotenza.

*La suprastonza*

### **Club da ballapei Trun/Rabius**

#### **Turnier da bigliard**

Sco mintg'onn organisescha il Club da ballapei Trun/Rabius il tradiziunal turnier da bigliard. Uonn ha quei turnier liug naven dils 28 da mars entochen ils 26 d'avrel 2025 ella Pizzeria da Stefano a Trun. In cordial beinvegni fa il

*CB Trun/Rabius cun ses organisaturs/As e scribents*

### **Museum Sursilvan Cuort Ligia Grischa**

#### **Vernissascha dall'exposiziun d'art da Fortu. C. Sonda, ils 5 d'avrel allas 16.00.**

Igl indigen Fortunat Cagienard havess ils 4 da fenadur 2025 saviu festivar siu 90. En memoria ha liug entochen ils 6 da fenadur in'exposiziun che muossa ina survesta da sia ovra cumpleina.

*Il team dil museum*

### **Uniun da dunnas Trun/Zignau**

#### **Suentermiezdi creativ**

Temps d'esser creativs en cumpignia! Nus s'entupein mesjamna, ils **9 d'avrel 2025**, allas 14.00 en scola Trun cun nos projects, giugs ni per star da cumpignia. Tgi che sa buc organisar senza in taxi sa s'annunziar tochen dus dis avon tier Manuela Schwarz (077 406 21 08)  
L'Uniun da dunnas envida cordialmein e selegra sche Ti eis era dalla partida!

### **Evangelisch-Reformierte Kirchgemeinde Cadi**

Siehe unter Disentis/Mustér!